



Broj: 03/6-50-5-8/08
Sarajevo, 18.01.2008. godine

I Z V J E Š T A J

o radnoj posjeti predstavnika Zajedničke komisije za ljudska prava, prava djetata, mlade, imigraciju, izbjeglice, azil i etiku Parlamentarne skupštine BiH, gospodinu Iliji Jurišiću, Vladi i Narodnoj skupštini Republike Srbije 17. januara 2008. godine

Dana 17. januara 2008. godine predstavnici Zajedničke komisije za ljudska prava, prava djetata, mlade, imigraciju, izbjeglice, azil i etiku Parlamentarne skupštine BiH u sastavu: Sadik Ahmetović, predsjedavajući Komisije, Ivo Miro Jović, Denis Bećirović članovi, te Samir Buljina, sekretar Komisije i Mirsada Bukarić-Kovačević, rukovodilac Sektora za međunarodne odnose i protokl PS BiH posjetili su bosanskohercegovačkog državljanina Iliju Jurišića koji je pritvoren u Okružnom zatvoru u Beogradu.

Prema ranije dobivenim saglasnostima od Suda u Beogradu, delegaciji PS BiH je omogućeno da se sretne sa g. Jurišićem u 09,15 u zatvoru, a posjeta je trajala 45 minuta. Susret sa Ilijom Jurišićem je bio izuzetno emotivan. Delegacija PS BiH se upoznala sa zdravstvenim stanjem našeg državljanina koje je dosta narušeno, obzirom na činjenicu da je g. Jurišić dijabetičar te da je operisao oko na VMA u Beogradu. Zamolio je za posredstvo u obezbjeđenju neophodnog kontrolnog pregleda koji je trebao obaviti 15 dana poslije operacije. Delegacija se, također, upoznala sa vrlo lošim uslovima u zatvoru, te zahtjevom g. Jurišića da se premjesti u bolje i uslovnije zatvorske prostorije. Ilija Jurišić je predložio delegaciji da pokušaju urgirati kod nadležnih tijela u Srbiji da mu se omogući da se brani sa slobode iz kućnog pritvora, obzirom da ima sina koji živi u Beogradu. To puštanje na slobodu i odbrana iz kućnog pritvora omogućava krivično zakonodavstvo Republike Srbije. Delegacija je informisala g. Jurišića da u toku dana ima zakazana još dva sastanka u Vladi Republike Srbije i Narodnoj skupštini Republike Srbije, te da će pokušati riješiti neke od problema humanitarne prirode, kao i njegov zahtjev za puštanje iz zatvora i odbrana iz kućnog pritvora.

Nakon posjete Iliji Jurišiću u beogradskom zatvoru, delegacija se u 11,00 sati sastala sa g. Rasimom Ljajićem, ministrom rada i socijalne politike u Vladi Republike Srbije.

Delegacija je informisala ministra sa zdravstvenim stanjem Ilije Jurišića i dala konkretan prijedlog ministru u pokušaju rješenja nekih od problema humanitarne prirode. U skladu sa svojim ovlastima i mogućnostima, g. Ljajić je odmah poduzeo konkretne korake te dogovorio sa ljekarskim timom da se odmah izvrši kontrolni pregled oka Ilije Jurišića na VMA. Na povratku iz Beograda (isti dan, nekoliko sati nakon oficijelnog sdušreta) ministar Ljajić je javio telefonom da je Ilija Jurišić premješten u bolje zatvorske prostorije. Što se tiče puštanja Ilije Jurišića iz zatvora kako bi se branio iz kućnog pritvora sa slobode, ministar je rekao da će napraviti određene konsultacije i javiti predsjedavajućem komisije gospodinu Sadiku Ahmetoviću.

Delegacija je upoznala ministra da su u poslednje vrijeme odnosi između Bosne i Hercegovine i Republike Srbije na svim poljima u stagnaciji, odnosno da bi mogli biti dosta bolji. Naime, činjenica je da je Beograd više okrenut Banja Luci nego Sarajevu, pa bi trebalo u budućem periodu aktuelizirati sva otvorena pitanja između naše dvije zemlje.

Ministar Ljajić se zahtvalio delegaciji BiH na posjeti i izrazio veliko zadovoljstvo što je u prilici da razgovara sa predstavnicima prijateljske zemlje kao što je to BiH. Složio se sa izlaganjem delegacije da su odnosi u posljednje vrijeme između Republike Srbije i Bosne i Hercegovine u stagnaciji, ali da u budućnosti treba aktualizirati sva otvorena pitanja između dvije zemlje. Posebno je istakao da već dugo se nije sastalo Međudržavno vijeće između BiH i Republike Srbije. Na kraju je zaključeno da se bilateralni odnosi između Bosne i Hercegovine i Republike Srbije trebaju podići na viši nivo i to ne samo između Parlemanta, već i Vlada i drugih institucija.

Na kraju, delegacija je iskoristila priliku da se sastane sa kompatibilnom komisijom odnosno odborom koji je nadležan za pitanja koja obradjuje i tretira zajednička komisija za ljudska prava, prava djetata, mlade, imigraciju, izbjeglice, azil i etiku Parlamentarne skupštine BiH.

Sastanak je počeo u 12,15 sati u Narodnoj skupštini Republike Srbije. Na sastanku su bili prisutni predstavnici 5 odbora iz Narodne skupštine, obzirom da 5 odbora pokriva resor koji pokriva Zajednička komisija.

Predsjedavajuća odbora, gđa Ana Tomanova-Makanova zaželila je srdačnu dobrodošlicu delegaciji PS BiH te dala opšti prikaz organizacije u ustrojstvu u Narodnoj skupštini Republike Srbije.

Delagacija Parlamentarne skupštine BiH se zahvalila predstavnicima Narodne skupštine Srbije na vremenu koje su izdvojili za sastanak sa članovima naše komisije. G Sadik Ahmetović, predsjedavajući Komisije i vođa delegacije je upoznao domaćine sa ciljevima naše posjete-sastanka. S tim u vezi istakao je, da je delagacija danas posjetila BiH državljanina u beogradskom zatvoru g. Iliju Jurišića, te informisala ih sa njegovim teškim zdravstvenim stanjem. Iskorištena je prilika da se srbijanski parlamentarci, predstavnici srodnih komisija-odbora zamolile da u okviru svojih nadležnosti preduzmu sve da se, koliko je to moguće zdravstveni tretman Ilije Jurišića poboljša. Pored toga, g. Ahmetović je istakao da se delegacija susrela i sa ministrom Ljajićem i da su razmijenili određana pitanja kada je riječ o unapređenju saradnje između Bosne i Hercegovine i Republike Srbije. Cilj sastanka bi bio da se unaprijedi saradnja na svim poljima u nadležnosti Zajedničke komisije, a posebno da se da naglasak na saradnju omladine i djece obzirom da su u nadležnosti naših komisija.

Predsjedavajući Komisije

Sadik Ahmetović

